



IZVJEŠTAJ: Objavljivanje "Debatnih novosti za EU" 06.12.2013. godine

Name of event: Sastanak redakcije "Debatnih novosti za EU"

Date(s) of event: 06.12.2013.

Location of event: Banja Luka, Bosna i Hercegovina

Activities (training, seminar, tournament, etc): Sastanak redakcije i kreiranje Debatnih novosti

Number of participants: 8 (članovi redakcije)

Background of participants (type of school, age, ethnic background (if relevant) etc):

Redakcija: Tijana Ljuboje – glavna urednica "Debatnih novosti"; Anja Gengo – saradnica za stalnu rubriku "Kutak za studente"; Amer Musić – saradnik za rubriku "U posjeti Debatologiji"; Amela Ibrahimagić – saradnica za trajnu rubriku "Riječi velikana", Anesa Vilić – DTP, Nadina Balagić – saradnica za koordinaciju sa školama i prikupljanje debatantskih tekstova za rubriku "Pristigla pisma", Sedika Cerić – saradnica za stalnu rubriku "Kutak za trenere", Zoran Marčeta – finansijski asistent.

Sastanak je moderirala urednica Debatnih novosti, Tijana Ljuboje, koja je u uvodnom govoru istakla da je cilj sastanka redakcije sumiranje rezultata rada na projektu IdebateEU i kvalitete 6 brojeva Debatnih novosti – Debatni pogled na EU. Objašnjeno je da je za vrijeme trajanja projekta ojačana saradnja sa školama članicama CKD programa, koje su poslale preko 30 tekstova o dešavanjima u njihovim debatnim klubovima, te da su članovi redakcije i mladi ljudi iz cijele BiH, koji su svojim tekstovima doprinijeli poboljšanju kvalitete objavljenih sadržaja.

Motions/topics/focus:

Anja Gengo, saradnica za rubriku „Kutak za studente“ istakla je da je u 6 brojeva Debatnih novosti – Debatni pogled o EU, u saradnji sa studentskim debatnim klubovima prikupljeno 12 tekstova o aktivnostima u klubovima koje se odnose na evropske integracije. Obrazloženo je da su tako najavljena internacionalna takmičenja koja su doprinijela povezivanju mladih ljudi iz cijele Evrope, ali i javne debate o obrazovanju u zemljama EU. Amer Musić, suradnik za rubriku „U posjeti Debatologiji“ naglasio je da je u 6 brojeva Debatnih novosti posvećenih EU predstavljeno 18 teza sa Debatologije posvećenih EU i ukupno 72 argumenta za i protiv određene teze o EU, što je doprinijelo da mladi ljudi prošire svoja znanja i kritičko i logičko mišljenje o evropskim integracijama. Amela Ibrahimović je naglasila da je u 6 brojeva Debatnih novosti predstavljeno 9 filozofskih tekstova koji su se odnosili na globalizaciju i temeljne vrijednosti na kojima počiva EU. Saradnica za koordinaciju sa školama i prikupljanje debatantskih tekstova za rubriku "Pristigla pisma" je iznijela podatak da je objavljeno 37 učničkih tekstova i da je projekat IdebateEU doprinio intenziviranju saradnje CKD-a i škola članica. Ovaj podatak je potvrdila i Sedika Cerić, koja je istakla nekoliko primjera pozitivne prakse koji svjedoče o tome da su treneri samoinicijativno predlagali sadržaje za rubriku Kutak za trenere, u okviru koje je predstavljeno 6 zanimljivih tekstova o mogućnostima za stručno usavršanje i napredovanje trenera CKD-a.

Describe what happened/what the participants did in a bit more detail:

Urednica Debatnih novosti je naglasila da je popularnost Debatnih novosti kontinuirano rasla za vrijeme trajanja projekta, što svjedoči o uspjehu redakcije da predstavi temu evropskih integracija mladim ljudima i da ih zainteresuje da budu aktivni kreatori objavljenih tekstova. Ukazano je na veliki broj obrađenih tema u sklopu šest brojeva Debatnih novosti: obrazovanje, zapošljavanje, politika, evropske vrijednosti, zakonodavstvo, ustrojstvo i članstvo u EU, kao i veliki broj zanimljivih podataka o zemljama članicama Unije, koji su predstavljeni kroz rubriku „Da li steznali da“. Zoran Marčeta je istakao da je najveća vrijednost Debatnih novosti u činjenici da su objavljeni tekstovi - autorski tekstovi mladih ljudi ističući posebnu važnost javnog predstavljanja učeničkih planova za prevazilaženje ključnih problema za napredak BiH u EU, što Debatnim novostima daje i edukativnu svrhu i praktičnu korist. Urednica Debatnih novosti je nakon predstavljanja podataka svih članova redakcije iskazala zadovoljstvo ostvarenim rezultatima i naglasila da će Debatne novosti i nakon završetka projekta IdebateEU nastaviti sa predstavljanjem sadržaja o EU, jer to aktuelna tema o kojoj mladi ljudi gotovo da nemaju mogućnost da iznesu svoj stav u BiH. Objašnjeno je da su im Debatne novosti – debatan pogled EU omogućile da javno govore o ovom pitanju i da i predstojeći brojevi trebaju održati kontinuitet postignutih uspjeha.

Remarkable things (quotes, publicity of the event, impact on participants or public, reception, etc):

Nadina Balagić je naglasila da je 3.12.2013. godine u inbox CKD-a stigao email od učenika Behram-begove medrese Tuzla, Ismaila Čidića, koji je zahvalio redakciji Debatnih novosti na objavljivanim materijalima o EU, jer su mu značajno olakšali pripremu za „Studentska okupljanja za EU“ i pomogle da lakše pripremi dokaze za argumente. Naglašeno je da je Ismail u emailu dostavio i tekst za Debatne novosti u kome govori o dešavanjima u klubu, što je prepoznato kao važan korak u jačanju saradnju između redakcije Debatnih novosti i škola članica, jer je debatant bez prethodne molbe urednika, želio da podijeli informacije o radu svog kluba. Zaključeno je da je ovo jasan primjer da redakcija Debatnih novosti broji i članove 40 debatih klubova širom BiH.

Lessons learned (if any):

6 brojeva Debatnih novosti – Debatni pogled na EU su doprinijele:

- Jačanju svijesti o značaju aktivizma mladih ljudi za napredak u EU;
- Ukazivanju na potencijal debate i kulture komunikacije za prevazilaženje problema sa kojima se BiH susreće na putu u EU;
- Podizanju svijesti o temeljnim vrijednostima EU, uređenju, zakonodavstvu, državama članicama, problemima sa kojima se EU susreće i potencijalu mladih ljudi iz BiH za njihovo rješavanje;
- Promovisanju primjera pozitivnog vršnjačkog uticaja i rezultata aktivizma mladih ljudi;
- Motivisanju mladih ljudi i njihovom ohrabivanju da poduzmu akcije u svojim lokalnim zajednicama za postizanje globalnih ciljeva;
- Rušenju granica i barijera između mladih ljudi iz cijele BiH, ali i zemalja regiona, kroz promovisanje zajedničkih rezultata rada na polju rješavanje globalnih problema;
- Intenziviranju saradnje između CKD-a i škola/fakulteta članova programa, kroz kreiranje rubrika u kojima su objavljivani učenički i profesorski autorski tekstovi;
- Ukazivanju na probleme sa kojima se BiH susreće na putu u EU i realne i ostvarive planove za njihovo rješavanje, kroz prezentaciju 40 kreativnih obrazaca za prepoznavanje i rješavanje problema, a koji su kreirali učenici i profesori iz cijele BiH.

Please add 1-3 pictures of the event to the email.

Please provide a link to any video material or photo albums of the event.

